



Prilijeno: 75-10-2023			
Org. jed.	Broj	Priloga	Vrijednost

Broj: 01/14-02-2522/23-1
Sarajevo, 25.10.2023.g.

PREDSTAVNIČKI DOM PARLAMENTA FEDERACIJE BiH

Dana 24.10.2023. godine održana je 8. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Odluke o izmjenama i dopunama Budžeta Federacije BiH za 2023. godinu – hitni postupak,
2. Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu – hitni postupak.
3. Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH – skraćeni postupak,
4. Prijedlog Odluke o usvajanju Strategije zapošljavanja u Federaciji BiH (2023. – 2030.),
5. Prijedlog Odluke o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu,
6. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu, Izvještaj Upravnog odbora o poslovanju Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu, Izvještaj o radu Nadzornog odbora Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu i Izvještaj o izvršenju Finansijskog plana Fonda za profesionalnu rehabilitaciju osoba sa invaliditetom Federacije BiH za 2022. godinu,
7. Izvještaj o radu za 2022. godinu i Finansijski plan sa Programom rada Komisije za vrijednosne papire FBiH za 2023. godinu,
8. Izvještaj o radu Federalnog zavoda za zapošljavanje za 2022. godinu,
9. Izvještaj Nadzornog odbora o radu Federalnog zavoda za penzijsko i invalidsko osiguranje za 2022. godinu,



10. Razmatranje dostavljenih akata od predstavnika Udruženja malih dioničara i člana Komisije za vrijednosne papire FBiH Mateja Živkovića, a u skladu sa usvojenim zaključcima na 7. sjednici Odbora, od dana 26.09.2023. godine,
11. Razmatranje Očitovanja Komisije za vrijednosne papire FBiH po zaključcima sa 7. sjednice Odbora za ekonomsku i finansijsku politiku, od dana 26.09.2023. godine.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1. Prijedlog Odluke o izmjenama i dopunama Budžeta Federacije BiH za 2023. godinu – hitni postupak

Ad-2. Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu – hitni postupak

Nakon uvodnog izlaganja predstavnika Federalnog ministarstva finansija, Odbor za ekonomsku i finansijsku politiku je obavio raspravu po ovim tačkama dnevnog reda i usvojio sljedeće zaključke:

1. Odbor prihvata Prijedlog Odluke o izmjenama i dopunama Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.
2. Odbor prihvata Prijedlog Zakona o izmjenama i dopunama Zakona o izvršavanju Budžeta Federacije BiH za 2023. godinu po hitnom postupku i predlaže da ide u daljnju parlamentarnu proceduru.
3. Odbor ostaje pri svom ranijem zahtjevu upućenom Vladi Federacije BiH da iznađe rješenje kako bi se za Fond solidarnosti obezbijedila potrebna finansijska sredstva u iznosu od 70 miliona KM, a koja su potrebna za liječenje onkoloških pacijenata u cilju ukidanja liste čekanja za liječenje.

Ad-3. Prijedlog Zakona o izmjenama i dopuni Zakona o finansijskoj konsolidaciji privrednih društava u Federaciji BiH – skraćeni postupak



U skladu sa članom 51. Poslovnika Predstavničkog doma Parlamenta Federacije BiH, Odbor nije razmatrao ovu tačku dnevnog reda, jer na sjednici Odbora nije prisustvovao ovlašteni predlagač Vlade Federacije BiH.

Ad-4. Prijedlog Odluke o usvajanju Strategije zapošljavanja u Federaciji BiH (2023.-2030.)

Uvodno izlaganje dao je predstavnik Federalnog ministarstva rada i socijalne politike nakon čega je Odbor jednoglasno podržao Prijedlog Odluke o usvajanju Strategije zapošljavanja u Federaciji BiH za period 2023.- 2030. godina i istakao činjenicu da je i sam Odbor u saradnji sa Komisijom za pitanja mladih i Westminster fondacijom za demokratiju aktivno učestvovao u izradi ove Strategije koja je veoma važna za Federaciju BiH.

Ad-5. Prijedlog Odluke o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu

Uvodno izlaganje dala je predstavnica Federalnog zavoda zdravstvenog osiguranja i reosiguranja, nakon čega je Odbor jednoglasno podržao Prijedlog Odluke o davanju saglasnosti na Finansijski plan Zavoda za transfuzijsku medicinu Federacije BiH za 2023. godinu.

Ad-6. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu, Izvještaj Upravnog odbora o poslovanju Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu, Izvještaj o radu Nadzornog odbora Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu i Izvještaj o izvršenju Finansijskog plana Fonda za profesionalnu rehabilitaciju osoba sa invaliditetom Federacije BiH za 2022. godinu

Nakon uvodnog izlaganja, Odbor je obavio raspravu i jednoglasno donio sljedeće zaključke:

1. Odbor za ekonomsku i finansijsku politiku prihvata Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH



za 2022. godinu, Izvještaj Upravnog odbora o poslovanju Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu, Izvještaj o radu Nadzornog odbora Fonda za profesionalnu rehabilitaciju i zapošljavanje osoba sa invaliditetom Federacije BiH za 2022. godinu i Izvještaj o izvršenju Finansijskog plana Fonda za profesionalnu rehabilitaciju osoba sa invaliditetom Federacije BiH za 2022. godinu.

2. Odbor preporučuje Vladi Federacije BiH da krene sa izmjenama Zakona o profesionalnoj rehabilitaciji, osposobljavanju i upošljavanju osoba sa invaliditetom kako bi se stimulisali ostali učesnici privrede da zapošljavaju ovu kategoriju populacije.

Ad-7. Izvještaj o radu za 2022. godinu i Finansijski plan sa Programom rada Komisije za vrijednosne papire FBiH za 2023. godinu

Odbor je veoma detaljno razmotrio dostavljeni Izvještaj o radu za 2022. godinu i Finansijski plan sa Programom rada Komisije za vrijednosne papire FBiH za 2023. godinu zajedno sa prisutnim članovima Komisije za vrijednosne papire FBiH na čelu sa Adnanom Zukićem u svojstvu predsjednika Komisije. Nakon uvodnih izlaganja i obavljene rasprave, Odbor je jednoglasno donio sljedeće zaključke:

1. Odbor prihvata Izvještaj o radu za 2022. godinu i Finansijski plan sa Programom rada Komisije za vrijednosne papire FBiH za 2023. godinu.
2. Odbor prihvata prijedlog članova Komisije da se u Parlamentu Federacije BiH organizuje tematska sjednica o temi "Stanje tržišta kapitala u Federaciji BiH".

Ad-8. Izvještaj o radu Federalnog zavoda za zapošljavanje za 2022. godinu

Odboru se obratio i dao uvodno izlaganje Omer Korjenić – predstavnik Federalnog zavoda za zapošljavanje, nakon čega su pojedini članovi Odbora iznijeli svoje prijedloge i sugestije, te pristupili glasanju i jednoglasno donijeli sljedeće zaključke:

1. Odbor prihvata Izvještaj o radu Federalnog zavoda za zapošljavanje za 2022. godinu.



2. Odbor predlaže da se krene sa politikom odvajanja administriranja zdravstvenog osiguranja nezaposlenih iz Zavoda za zapošljavanje, te razdvajanja osoba koje aktivno traže posao od pasivnih tražilaca posla, a sve sa ciljem prenosa administriranja zdravstvenog osiguranja u sektor zdravstva.

Ad-9. Izvještaj Nadzornog odbora o radu Federalnog zavoda za penzijsko i invalidsko osiguranje za 2022. godinu

Odboru se obratio Mario Nenadić – predsjednik Nadzornog odbora Federalnog zavoda za penzijsko i invalidsko osiguranje i veoma detaljno upoznao Odbor sa dostavljenim Izvještajem Nadzornog odbora o radu Federalnog zavoda za penzijsko i invalidsko osiguranje za 2022. godinu. Nakon uvodnog izlaganja, Odbor je jednoglasno podržao Izvještaj Nadzornog odbora o radu Federalnog zavoda za penzijsko i invalidsko osiguranje za 2022. godinu.

Ad-10. Razmatranje dostavljenih akata od predstavnika Udruženja malih Dioničara i člana Komisije za vrijednosne papire FBiH Mateja Živkovića, a u skladu sa usvojenim zaključcima na 7. sjednici Odbora, od dana 26.09.2023. godine

Uvodno izlaganje dali su prisutni predstavnici Udruženja malih dioničara na čelu sa Rizahom Softićem kao i član Komisije za vrijednosne papire Federacije BiH Matej Živković, a koji su veoma detaljno upoznali Odbor sa prethodno dostavljenim aktima. Nakon uvodnog izlaganja i pojedinačnog saslušanja, Odbor je obavio raspravu tokom koje su prisutni članovi Odbora iznijeli svoje prijedloge, primjedbe i sugestije, te jednoglasno usvojili sljedeće zaključke:

1. Odbor će uzeti u razmatranje sve podneske koje su na sjednici predložili i ostavili Odboru na daljnje razmatranje predstavnici Udruženja malih dioničara kao i član Komisije za vrijednosne papire Federacije BiH Matej Živković.
2. Odbor će uzeti u obzir sve prijedloge koji se odnose na izmjene članova Zakona o Komisiji za vrijednosne papire Federacije BiH kao i druge izmjene Zakona koji su pristigli na Odbor od članova Komisije za vrijednosne papire Federacije BiH i na bazi toga Odbor će preporučiti Parlamentu Federacije BiH da se donesu određene izmjene Zakona.



3. Odbor sugeriše Parlamentu Federacije BiH da se hitno pokrene procedura izmjene Zakona o Komisiji za vrijednosne papire Federacije BiH i drugih relevantnih Zakona koji se tiču ove oblasti.
4. Odbor poziva pravosudne i istražne organe da poduzmu sve aktivnosti kako bi se osigurala sigurnost gospodina Živkovića kao i svih drugih članova Komisije za vrijednosne papire Federacije BiH, te kako bi se gospodinu Živkoviću i svim drugim članovima Komisije za vrijednosne papire osiguralo pravo na rad i obavljanje rada.
5. Odbor predlaže Parlamentu Federacije BiH da formira Zajedničku komisiju oba doma Parlamenta Federacije BiH sa ciljem rješavanja problematike Komisije za vrijednosne papire Federacije BiH.

Ad- 11. Razmatranje očitovanja Komisije za vrijednosne papire FBiH po zaključcima sa 7. sjednice Odbora za ekonomsku i finansijsku politiku, od dana 26.09.2023. godine

Komisija za vrijednosne papire Federacije BiH je ispoštovala usvojene zaključke sa 7. sjednice Odbora, održane 26.09.2023. godine i dostavila veoma detaljno očitovanje koje će Odboru poslužiti prilikom predlaganja izmjena zakonskih rješenja u cilju rješavanja problematike nastale u radu Komisije za vrijednosne papire FBiH, poboljšanja rada Komisije i vraćanja povjerenja u sam rad Komisije za vrijednosne papire Federacije BiH.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIKA ODBORA

Admir Čavalić